



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De synodis quo tempore sint habendæ. xliiii.

**urn:nbn:de:hbz:466:1-10722**



*De his qui promouentur ad episcopatum.  
nec recipiuntur. Cap. XLI.*

*Ex cōcil. Antio- che. cap. 18.* **S**I quis episcopus ordinatus, ad parochiam minimè, cui est electus, accesserit, non suo vitio, sed quòd eum aut populus vetet, aut propter aliam causam, non tamen eius vitio perpetrata: Hic & honoris sit & ministerij participes, dummodo nihil molestus Ecclesiæ rebus existat, vbi ministrare cognoscitur. Quem etiam obseruare cōueniet, quicquid synodus perfecta, prouinciae iudicando decreuerit.

*Quòd authoritas congregandarum synodorum apostolicae sedi commissæ sit priuata potestate. Cap. XLII.*

*Cap. Isidori. 8.* **S**YNODORUM verò congregandarum authoritas apostolicæ sedi, priuata commissæ est potestate. Nec vllā synodum generalem ratam esse legimus, quæ eius non fuerit authoritate congregata vel fulta. Hæc canonica testatur authoritas, hæc historia ecclesiastica roborat, hæc sancti patres confirmant.

*Quòd bini conuentus episcopales singulis annis fieri debeant. Cap. XLIII.*

*Ex decret. Leonis papæ ad Rusticum Episcopum Narbonen. cap. 37.* **D**E conciliis autem episcopalibus non aliud indicimus, quàm sancti patres salubriter ordinauerunt, vt scilicet bini conuentus per annos singulos habeantur, in quibus de omnibus querelis, quæ inter diuersos Ecclesiæ ordines nasci assolēt, iudicetur. Ac si fortè inter ipsos qui præfunt de maioribus, quod absit, peccatis causa nascatur, quæ prouinciali nequeat examine definiri, fraternitatem tuam de totius negocii qualitate metropolitanus curabit instruere: vt si coram positis partibus, nec tuo fuerit resopita iudicio, ad nostram cognitionem quicquid illud est, transferatur.

*De synodis quo tempore sint habendæ. Cap. XLIIII.*

*Ex cōcil. Antio- che. cap. 20.* **P**ROPTER utilitates ecclesiasticas & absolutiones earum rerum, quæ dubitationem controuersiamque recipiunt, optimè placuit, vt per singulas quasque prouincias bis in anno episcoporum concilia celebrentur. Semel quidem post tertiam septimanam festi Paschalis, ita vt in quarta septimana quæ consequitur, id est, medio Pentecostes cōueniat synodus, metropolitano comprovinciales episco-



pos admonete. Secūda verò synodus fiat Idibus Octobris, id est, XV. die mensis Octobris, quem per Beretheon Græci nominant. In ipsis autem conciliis adsint presbyteri, diaconi, & omnes qui se læsos existimant, & synodi experiantur examen. Nullis verò liceat apud se celebrare concilia, præter eos, quibus metropolitana iura videtur esse commissa.

*De synodo congreganda. Cap. XLV.*

**P**RACTIS omnibus quæ ad correctionem nostri ordinis in hoc concilio promulgata sunt, placuit definire, vt omni anno ad peragenda celebritatem concilij in metropolitana sede, tempore, quo principis vel metropolitani electio definierit, deuotis semper animorum studiis conferamus, nec quibuslibet requisitis occasionibus dissentiamus, sed in præparato die quo indictum fuerit, adunatis in metropolitana sede omnibus prouinciæ pontificibus, concilium, Deo præsule, celebretur. Quisquis autem Episcopum, excepta inuitabili causa, vel necessitate, de peragendo se concilio absentauerit, per vnus anni spaciū erit communionem plectendus. Quod si deinceps absque celebratione concilij, anni vnus metas transferit, omnium in communionem pontificum eiusdem prouinciæ sententiam obnoxius retinebit, id est, si nulla sibi impediēte principis potestate, vel infirmitate aut inuitabili causa, sed folius propriæ voluntatis libitu sese ad celebrandum concilium non collegerit.

*De archiepiscopo, qui tempore pacis ultra biennium synodum annunciare neglexerit. Cap. XLVI.*

**Q**UOD si intra biennium diuinitus temporū tranquillitate concessa admonitis comprouincialibus à metropolitana synodus indicta non fuerit, & metropolitanus ipse prouocationes tardauerit, anno integro Missas facere nō præsumat. Quod si euocati & non corporali infirmitate detenti, adesse sua abusione desperant, simili sententiæ subiacebunt.

*De Episcopis ad synodum vocatis, vt venire non contemnant. Cap. XLVII.*

**Q**UOD non oporteat episcopos ad synodum vocatos omnino contemnere, sed protinus ire & docere, & discere ea, quæ ad correctionem Ecclesiæ,